



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 422;
fax. +387 33 726 414
e – mail: info@voda.ba

Broj: **UP-1/21-3-40-252-8/22**
Datum: **01.07.2022. godine**

„Agencija za vodno područje rijeke Save“ Sarajevo rješavajući po zahtjevu pravnog lica „M.H.-Građevinar“ d.o.o. Živinice za donošenje rješenja o vodnoj dozvoli za ispuštanje oborinskih onečišćenih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada postrojenja za proizvodnju betona kapaciteta 30 m³/h, sa pratećim objektima i sadržajima izgrađenih na zemljištu označenom kao k.č. 1322/1 K.O. Živinice Grad, naselje Karaula, na osnovu člana 139. stav (1) tačke 3. i 10. Zakona o vodama („Sl. novine Federacije BiH“, br. 70/06) i člana 200. stav (1) Zakona o upravnom postupku („Sl. novine Federacije BiH“, broj 2/98 i 49/99), donosi

RJEŠENJE **o vodnoj dozvoli**

1. Pravnom licu „M.H.- Građevinar“ d.o.o. Živinice daje se vodna dozvola za ispuštanje oborinskih onečišćenih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada postrojenja za proizvodnju betona kapaciteta 30 m³/h, sa pratećim objektima i sadržajima izgrađenih na zemljištu označenom kao k.č. 1322/1 K.O. Živinice Grad, naselje Karaula.
2. Ova vodna dozvola ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
3. Rješenje o vodnoj dozvoli je doneseno na osnovu pregleda dokumentacije kojom raspolaže podnosilac zahtjeva, izvršenog uviđaja i utvrđenog činjeničnog stanja na objektu i pod slijedećim uslovima:
 - 3.1. Da se upotreba i korištenje predmetnih objekata vrši u skladu sa njihovom prirodom i namjenom te u skladu sa uslovima iz ove vodne dozvole.
 - 3.2. Da se objekti čija je svrha odvođenje i prečišćavanje onečišćenih voda (betonski taložnik, betonski kanali i slivnici, kanalizaciona mreža, kontrolni šahtovi i dr.) redovno održavaju i koriste na način koji će obezbijediti njihovu potpunu ispravnost i funkcionalnost.
 - 3.3. Da korisnik poslovnog objekta za sve vrijeme trajanja ove vodne dozvole obezbjeđuje da se vode od pranja tehnološke opreme za proizvodnju betona, mješalica i miksera za prevoz betona i oborinske onečišćene vode sa radno-manipulativnih površina nesmetano skupljaju putem kanala sa slivnim rešetkama, odvođe do taložnika, te preko monitoring okna odvođe do recipijenta, rijeke Oskove.
 - 3.4. Da se redovno vrši monitoring prečišćene otpadne vode iz okna za monitoring shodno članu 19. i 20. Uredbe o uslovima ispuštanja otpadnih voda u okoliš i sisteme javne kanalizacije, te pojedinačne i zbirne godišnje izvještaje dostave Agenciji u skladu sa članom 23. iste Uredbe.
 - 3.5. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju

ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13 i 26/14).

3.6. Ukoliko Vlada Tuzlanskog kantona propiše dodatne (strožije) uvjete za ispuštanje otpadnih voda u površinske vode, od uvjeta definisanih u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije, podnosilac zahtjeva je u obavezi iste zadovoljiti.

3.7. Da se, u skladu sa propisima iz oblasti zaštite okoliša, vrši bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).

3.8. Sadržaj (mulj) iz postrojenja za prečišćavanje otpadnih voda i ostali otpad ne smije se odlagati na česticu „vodno dobro“, odnosno u vodotoke i na njegove obale.

3.9. Da se istrošena ulja, nauljene krpe i sav opasan otpad koji će nastati na prostoru postrojenja za spravljanje betona i betonske smjese redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.

3.10. Investitor je u obavezi da u toku važenja ovog rješenja o vodnoj dozvoli izradi tj. inovira projektnu dokumentaciju Glavni projekat snabdijevanja vodom i dispozicija otpadnih voda za potrebe poslovnog objekta betonare, broj: 1-160-07/20 urađen od strane „Atrius projekt“ d.o.o. Živinice, juli 2020. godine u skladu sa činjeničnim stanjem na terenu i rezultatima monitoringa otpadnih voda prije ispusta u recipijent-rijeku Oskovu.

4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.

5. Ukoliko radom predmetnog poslovnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekta je dužan uzroke štete otkloniti, a nastale štete nadoknaditi.

6. U periodu važenja ove dozvole, pravno lice je dužno provoditi sve mjere i aktivnosti propisane istom

7. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.

8. Ova vodna dozvola, shodno članu 117. stav (1) Zakona o vodama se daje sa rokom važenja od 5 (pet) godina od dana pravosnažnosti ovog rješenja.

9. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice „M.H.- Građevinar“ d.o.o. Živinice obratilo se ovoj Agenciji sa zahtjevom za donošenje rješenja o vodnoj dozvoli za ispuštanje oborinskih onečišćenih voda i aktivnosti koje mogu privremeno ili trajno degradirati kvalitet voda ili ometati poboljšanje njihovog postojećeg kvaliteta u toku rada postrojenja za proizvodnju betona kapaciteta 30 m³/h, izgrađenih na zemljištu označenom kao k.č. 1322/1 K.O. Živinice Grad, naselje Karaula.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

A. Opća dokumentacija

- Aktuelni izvod iz sudskog registra izdat od strane Općinskog suda u Tuzli – ovjerena kopija,
- Rješenje o izmjenama podataka, broj:032-0-Reg-20-001756 od 07.01.2021. godine izdato od strane Općinskog suda u Tuzli - ovjerena kopija,
- Uvjerenje o poreznoj registraciji od 18.01.2021. godine izdato od strane Porezne uprave Federacije BiH – ovjerena kopija,

- Uvjerjenje o registraciji/upisu u Jedinostveni registar obveznika indirektnih poreza, broj:04/1-17-1-UPJR/1-278-2/21 od 18.01.2021. godine izdato od strane Uprave za indirektno-neizravno oporezivanje Banja Luka – ovjerena kopija,
 - Rješenje o odobrenju za građenje, broj:04/3-19-4992/20 od 20.08.2020. godine izdato od strane Službe za urbanističko planiranje, komunalne, geodetske i imovinsko-pravne poslove Odsjek za urbanističko planiranje i komunalne poslove Grad Živinice – kopija,
 - Rješenje o izmjeni i dopuni odobrenja za građenje, broj:04/3-19-6682/20 od 30.10.2020. godine izdato od strane Službe za urbanističko planiranje, komunalne, geodetske i imovinsko-pravne poslove Odsjek za urbanističko planiranje i komunalne poslove Grad Živinice – kopija,
 - Rješenje o odobrenju za upotrebu, broj: 04/4-19-72/21 od 12.01.2021. godine izdato od strane Službe za urbanističko planiranje, komunalne, geodetske i imovinsko-pravne poslove Grada Živinice – kopija,
 - Rješenje o odobrenju za upotrebu, broj: 04/4-19-6310/20 od 23.10.2020. godine izdato od strane Službe za urbanističko planiranje, komunalne, geodetske i imovinsko-pravne poslove Odsjek za urbanističko planiranje i komunalne poslove Grad Živinice – kopija,
 - Rješenje o vodnoj saglasnosti, broj:UP-I/25-2-40-463-6/20 od 22.10.2020. godine izdato od strane Agencije za vodno područje rijeke Save, Sarajevo – kopija,
 - Izvještaj o monitoringu kvaliteta i kvantiteta otpadnih voda urađen od strane TQM d.o.o. Lukavac, maj 2022. godine,
 - Račun broj:36449/2022-007 od 01.04.2022. godine izdat od strane JP „Vodovod i kanalizacija“ d.o.o. Živinice – kopija,
 - Račun broj:IO1-003-33/2022 od 20.04.2022. godine izdat od strane ZR „Smajkan“ Živinice – kopija,
 - Račun broj:IO1-003-19/2022 od 11.03.2022. godine izdat od strane ZR „Smajkan“ Živinice – kopija,
 - Račun broj:IO1-003-8/2022 od 31.01.2022. godine izdat od strane ZR „Smajkan“ Živinice – kopija,
 - Račun-Otpremnica broj:1222-2491 od 19.05.2021. godine izdat od strane „Dobojputevi“ d.o.o. Doboj Istok – kopija,
 - Dokaz o uplaćenju upravnoj pristojbi i administrativnoj taksi
- B Tehnička dokumentacija
- Glavni projekat snabdijevanja vodom i dispozicija otpadnih voda za potrebe poslovnog objekta betonare, broj: 1-160-07/20 urađen od strane „Atrius projekt“ d.o.o. Živinice, juli 2020. godine
- Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.
- U skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20) izvršen je uviđaj na prostoru proizvodnog pogona betonare sa pratećim sadržajima „M.H.- Građevinar“ d.o.o. Živinice izgrađenih na zemljištu označenom kao k.č. 1322/1 K.O. Živinice Grad, naselje Karaula i tom prilikom sačinjen Zapisnik o izvršenom uviđaju broj: UP-1/21-3-40-252-3/22 od 24.06.2022. godine.
- Na osnovu dostavljene dokumentacije, izvršenog uviđaja na licu mjesta utvrđeno je sljedeće:
- Pravno lice je ishodovao od strane Službe za urbanističko planiranje, komunalne, geodetske i imovinsko-pravne poslove Odsjek za urbanističko planiranje i komunalne poslove Grad Živinice Rješenje o odobrenju za građenje pogon za proizvodnju betona sa pratećim objektima i sadržajima montažnog karaktera, na zemljištu označenom kao k.č. 1322/1 K.O. Živinice Grad, naselje Karaula te po istom postupio na terenu.
 - Od strane Službe za urbanističko planiranje, komunalne, geodetske i imovinsko-pravne poslove Odsjek za urbanističko planiranje i komunalne poslove Grad Živinice ishodovao je Rješenje o odobrenju za upotrebu izgrađenih objekata- pogona za proizvodnju betona- betonara sa pratećim montažnim objektima.

➤ Pravno lice je ishodovalo i Rješenje o izmjeni i dopuni odobrenja za građenje od strane Službe za urbanističko planiranje, komunalne, geodetske i imovinsko-pravne poslove Odsjek za urbanističko planiranje i komunalne poslove Grad Živinice kojim su dopunjeni svi sadržaji koji su sastavni dio pogona za proizvodnju betona (silos za cement, boksovi za kameni agregat, taložnik za otpadne vode, nadstrešnica, radno manipulativni i parking prostor...).

➤ Pravno lice je ishodovalo i Rješenje o odobrenju za upotrebu za nadstrešnicu-natkriveni manipulativni i parking prostor za kamione-miksere (dopuna odobrenja za upotrebu pogona za proizvodnju betona-betonare sa pratećim montažnim objektima- kontejnerima).

➤ Na prostoru betonare neće se vršiti skladištenje niti manipulacija sa naftom, naftnim derivatima niti popravka i servisiranje mehanizacije. Servisiranje i popravka mehanizacije se vrši kod ovlaštenih pravnih lica.

➤ Na prostoru betonare izgrađeni su slivnici, betonirani kanali, taložnik dimenzija cca 6,6x4,4x2,5m, monitoring okno.

➤ Investitor je angažovao certificiranu laboratoriju TQM d.o.o. Lukavac koja je u mjesecu maju 2022. godine uzela uzorak vode za analizu iz taložnika te rezultate prezentovala u Izvještaju. Utvrđeno je da uzorak broj: 611_1/22 ispust E1 zadovoljava granične vrijednosti emisije propisane Uredbom o uslovima ispuštanja otpadnih voda u okoliš i sisteme javne kanalizacije („Sl. novine Federacije BiH“, broj: 26/20, 96/20).

➤ Pravno lice je preuzelo obavezu da projektnu dokumentaciju izmijeni (inovira) u skladu sa činjeničnim stanjem na terenu, rezultatima monitoringa tretiranih voda, a prije upuštanja u recipijent-rijeku Oskovu, a što je bio i uslov iz prethodnog rješenja o vodnoj dozvoli, tačka 3.3.

Na osnovu dostavljene dokumentacije i utvrđenog činjeničnog stanja, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom propisani uslovi u skladu sa odredbama člana 116. Zakona o vodama i članova 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i Uredbe o uslovima ispuštanja otpadnih voda u okoliš i sisteme javne kanalizacije.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH“, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH“, broj 46/07).

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 4. iz starog Rješenja o vodnoj dozvoli (broj: UP-I/25-3-40-463-6/20 od 22.10.2020. godine) zatraženo je očitovanje Službe za prikupljanje prihoda od vodnih naknada ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva. Od strane Službe za prikupljanje prihoda od vodnih naknada ove Agencije dobijen je odgovor da se pravni subjekt „M.H.- Građevinar“ d.o.o. Živinice ne nalazi u registru obveznika koji izvršavaju svoje zakonske obaveze, odnosno obveznika koji vrše plaćanje PVN-a.

Pravno lice je pute e-maila dostavilo Izvještaj o obračunatim i uplaćenim vodnim naknadama za period od 01.01.2021. do 31.12.2021. godine po osnovu općih vodnih naknada.

Na osnovu provedenog postupka konstatuje se da je podnosilac zahtjeva „M.H.- Građevinar“ d.o.o. Živinice ispunio minimum uslova za izdavanje vodne dozvole za ispuštanje otpadnih voda i aktivnosti koje mogu imati specifične uticaje na vode sa lokacije proizvodnog kompleksa objekata betonare, sa pratećim sadržajima, izgrađenog na zemljištu označenom kao k.č. 1322/1 K.O. Živinice Grad, naselje Karaula je riješeno kao u dispozitivu ovog Rješenja.

Podnosilac zahtjeva je uplatio upravnu i administrativnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi („Službene novine Federacije BiH“, broj 06/98, 8/00, 45/10 i 43/13). Podnosilac zahtjeva je uplatio i posebne troškova koji su nastali u toku vođenja upravnog postupka, u skladu sa članom 127. Zakona o vodama („Službene novine Federacije BiH“, br. 70/06) i

članova 4. do 7. Pravilnika Agencije o naknadi posebnih troškova u postupku izdavanja vodnog akta, prema Zaključku ove Agencije broj UP-1/21-3-40-245-5/22 od 28.06.2022. godine.

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

mr Selma Merdan, dipl.inž.geol.

Prilog: Tehnička dokumentacija navedena pod tačku B obrazloženja rješenja

Po ovlaštenju
Rukovodilac sektora za izdavanje vodnih akata


Haris Ališehović, dipl. inž. građ.

Dostaviti:

- „M.H.- Građevinar“ d.o.o. Živinice, (sa prilogom),
- ☞ AVP Sava, ISV – Vodna knjiga,
- Sektor 50,
- Sektor 40, arhiva,
- Oglasna ploča-AVP Sava